



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka ("Službeni glasnik BiH" broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH", broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2012. GODINU HRVATSKE NARODNE ZAJEDNICE 1908

Broj: 03-07-6-710/13  
Sarajevo, 21. mart 2014. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE REVIZIJE .....	5
5.1. NALAZI REVIZIJE.....	5
5.2. PREPORUKE.....	7

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske narodne zajednice 1908 za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine, Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine i Poglavlja 15. Izbornog zakona Bosne i Hercegovine, te uspostavljanje efikasnog sistema internih kontrola

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka i Poglavlja 15. Izbornog zakona Bosne i Hercegovine.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom godišnjeg finansijskog izvještaja za 2012. godinu, utvrđeno je da je Hrvatska narodna zajednica 1908 prekršila odredbe člana 11. stav (2) i stav (3) Zakona o finansiranju političkih stranaka, koji je bio na snazi do 04.12.2012. godine, člana 12. stav (4) Zakona o finansiranju političkih stranaka, koji je na snazi od 05.12.2012. godine i člana 15.1 stav (1) Izbornog zakona Bosne i Hercegovine.**

**Pregledom, odnosno kontrolom finansijskih izvještaja, a obzirom na činjenicu da politička stranka nije dostavila dodatnu finansijsku dokumentaciju, nismo zapazili ništa značajno, osim gornje napomene, što bi ukazalo na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatske narodne zajednice 1908 za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju Hrvatska narodna zajednica 1908 je iskazala ukupne prihode u iznosu od 10.500,00 KM, što je iskazano u sljedećoj tabeli:

Red. br.	Vrsta prihoda	Iznos u KM	Učešće u uk. prihodu %
1	Članarina	3.500,00	33,33%
2	Prilozi fizičkih lica	4.100,00	39,05%
3	Prilozi pravnih lica	2.900,00	27,62%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	0,00	0,00%
8	Ostali prihodi	0,00	0,00%
	<b>Ukupni prihodi:</b>	<b>10.500,00</b>	<b>100,00%</b>

U godišnjem finansijskom izvještaju Hrvatska narodna zajednica 1908 iskazala je ukupne rashode u iznosu od 10.500,00 KM.

## 2. PREDSTAVLJANJE POLITIČKE STRANKE

Naziv političke stranke: Hrvatska narodna zajednica 1908. Skraćeni naziv stranke: HNZ 1908.

Hrvatska narodna zajednica 1908 je Rješenjem Osnovnog suda u Banjoj Luci, broj: Pn-1/12 od 20.04.2012. godine upisana u registar političkih organizacija.

Sjedište političke stranke je u Kotor Varošu, Cara Dušana bb.

Lica ovlaštena za zastupanje stranke, prema podacima iz godišnjeg finansijskog izvještaja za 2012. godinu, su Drago Kovačić, dopredsjednik, Josip Čolić, tajnik i Nikola Čolić, blagajnik.

Lice ovlašteno za podnošenje finansijskih izvještaja za 2012. godinu je Nikola Čolić.

Prema podacima iz godišnjeg finansijskog izvještaja za 2012. godinu, Hrvatska narodna zajednica 1908 nema niže nivoe organizovanja (entitetske, kantonalne, opštinske).

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Hrvatske narodne zajednice 1908 za 2012. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Hrvatske narodne zajednice 1908 obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine, odnosno usklađenosti izvora finansiranja i načina trošenja sredstava.

### **4. PRETHODNE KONTROLE I REVIZIJE**

Pregled i kontrola finansijskih izvještaja Hrvatske narodne zajednice 1908 obavlja se prvi put.

### **5. NALAZI I PREPORUKE REVIZIJE**

#### **5.1. NALAZI REVIZIJE**

**a) Hrvatska narodna zajednica 1908 prekršila je odredbe člana 11. stav (3) Zakona o finansiranju političkih stranaka, koji je bio na snazi do 04.12.2012. godine.**

Na osnovu obavljenog pregleda, utvrđeno je da Hrvatska narodna zajednica 1908 obrasce godišnjeg finansijskog izvještaja za 2012. godinu nije popunila u skladu sa odredbama tada važećeg Pravilnika o godišnjim finansijskim izvještajima političkih stranaka ("Službeni glasnik BiH", broj 61/06) - u daljem tekstu: Pravilnik, čime su prekršene odredbe člana 11. stav (3) Zakona o finansiranju političkih stranaka, koji je bio na snazi do 04.12.2012. godine.

(1) Hrvatska narodna zajednica 1908 nije popunila niti ovjerala obrasce 1-1, 2, 2-1, 3-a, 3-b, 3-c, 3-d, 3-e, 3-f, 4-1, 4-2 i 5 godišnjeg finansijskog izvještaja, što je suprotno odredbama člana 5. i člana 7. stav (1) Pravilnika.

Pregledom je utvrđeno da je Hrvatska narodna zajednica 1908 u obrascima 3 (ukupni prihodi) i 4 (ukupni rashodi) godišnjeg finansijskog izvještaja iskazala prihode u iznosu 10.500,00 KM, odnosno rashode u iznosu od 10.500,00 KM, ali da u obrascima 3-a (prilozi fizičkih lica), 3-b (prilozi pravnih lica), 4-1 (režijsko-administrativni i ostali troškovi) i 4-2 (troškovi propagande) nije iskazala priloge niti rashode.

(2) Hrvatska narodna zajednica 1908 nije u obrascu 2 (pregled prometa svih transakcijskih računa političke stranke) godišnjeg finansijskog izvještaja iskazala podatke o broju računa, nazivu banke, stanju na početku izvještajnog perioda, ukupnom prometu ulaza, ukupnom prometu izlaza i stanju na kraju izvještajnog perioda, čime je prekršila odredbe člana 11. Pravilnika.

Naime, prema podacima iz Jedinog registra transakcijskih računa u Bosni i Hercegovini, Hrvatska narodna zajednica 1908 ima otvoren transakcijski račun broj: 1610450065370083 u Raiffeisen banci d.d.

**b) Hrvatska narodna zajednica 1908 prekršila je odredbe člana 15.1 stav (1) Izbornog zakona Bosne i Hercegovine i člana 11. stav (2) Zakona o finansiranju političkih stranaka, koji je bio na snazi do 04.12.2012. godine.**

Služba za reviziju je utvrdila da je Hrvatska narodna zajednica 1908 postizborni finansijski izvještaj dostavila nakon zakonom propisanog roka i da nije obrasce finansijskog izvještaja popunila u skladu sa odredbama tada važećeg Pravilnika o predizbornim i postizbornim finansijskom izvještajima političkih subjekata ("Službeni glasnik BiH", broj 61/06), čime je prekršila odredbe člana 15.1 stav (1) Izbornog zakona Bosne i Hercegovine i člana 11. stav (2) Zakona o finansiranju političkih stranaka, koji je bio na snazi do 04.12.2012. godine.

- (1) Uvidom u službene evidencije utvrđeno je da je Hrvatska narodna zajednica 1908 postizborni finansijski izvještaj dostavila dana 08.01.2013. godine.<sup>1</sup>
- (2) Pregledom je utvrđeno da Hrvatska narodna zajednica 1908 nije popunila niti ovjerila obrasce 1-1, 2, 2-1, 3-a, 3-b, 3-c, 3-d, 3-e, 3-f, 4-1, 4-2 i 5 postizbornog finansijskog izvještaja, čime je prekršila odredbe člana 5. i člana 6. stav (1) tada važećeg Pravilnika o predizbornim i postizbornim finansijskom izvještajima političkih subjekata ("Službeni glasnik BiH", broj 61/06).

Napominjemo da je Hrvatska narodna zajednica 1908 nije u obrascu 2 postizbornog finansijskog izvještaja iskazala transakcijski račun, koji je bio aktivan u toku 2012. godine, kao i da u obrascima 3-a i 3-b, 4-1 i 4-2 nije iskazala priloge fizičkih i pravnih lica niti rashode iako je u izvještajnom periodu ostvarila prihode i rashode u iznosu od 10.060,00 KM.

**c) Hrvatska narodna zajednica 1908 prekršila je odredbe člana 12. stav (4) Zakona o finansiranju političkih stranaka, koji je na snazi od 05.12.2012. godine.**

Dana 01.08.2013. godine, Centralna izborna komisija Bosne i Hercegovine je Hrvatskoj narodnoj zajednici 1908 uputila Zahtjev za dostavljanje dodatne dokumentacije za 2012. godinu<sup>2</sup>, a dana 07.10.2013. godine i Urgenciju za dostavljanje dodatne dokumentacije<sup>3</sup>, kojim je od stranke zatraženo da dostavi: godišnji obračun (završni račun) stranke ovjeren od nadležnih institucija u Bosni i Hercegovini za 2012. godinu, dokumentaciju o korištenju poslovnog prostora u 2012. godini (dokaz o vlasništvu nad nekretninom, ugovor o zakupu, odluku ili izjavu), bruto bilans stranke na dan 31.12.2012. godine, glavnu knjigu sa kompletnim analitičkim evidencijama stranke za period 01.01.-31.12.2012. godine i kopiju izvoda sa transakcijskog računa broj: 1610450065370083 kod Raiffeisen bank dd za period 01.01.- 31.12.2012. godine.

---

<sup>1</sup> Odredbom člana 15.1 stav (1) Izbornog zakona Bosne i Hercegovine propisano je da su političke stranke koji su učestvovali na izborima za organe vlasti Bosne i Hercegovine na svim nivoima, dužni su u roku trideset dana od dana objavljivanja izbornih rezultata u Službenom glasniku BiH, podnijeti i finansijski izvještaj za period od dana podnošenja prijave za ovjeru za izbore do dana ovjere rezultata izbora. Odluka o potvrđivanju u objavljivanju rezultata Lokalnih izbora u Bosni i Hercegovini za 2012. godinu u "Službenom glasnik BiH" broj: 88 od 06.11.2012. godine.

<sup>2</sup> Zahtjev broj: 03-07-6-710-2/13.

<sup>3</sup> Urgencija broj: 03-07-6-710-2/13.

Obzirom da Hrvatska narodna zajednica 1908 nije postupila u skladu sa zahtjevom Centralne izborne komisije BiH, odnosno nije dostavila dodatnu dokumentaciju, prekršene su odredbe člana 12. stav (4) Zakona o finansiranju političkih stranaka, koji je na snazi od 05.12.2012. godine.

### **Troškovi izborne kampanje**

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM<sup>4</sup> po biraču u svakom izbornom krugu, prema broju birača koje je objavila Centralna izborna komisija BiH.

Hrvatska narodna zajednica 1908 je, prema podacima Centralne izborne komisije BiH, u svrhu izborne kampanje mogla da potroši 12.179,40 KM.

Prema podacima iz godišnjeg finansijskog izvještaja za 2012. godinu, Hrvatska narodna zajednica 1908 je ostvarila troškove izborne kampanje u iznosu od 2.150,00 KM.

### **5.2. PREPORUKE**

*Preporučuje se Hrvatskoj narodnoj zajednici 1908 da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da finansijske izvještaje podnosi u rokovima propisanim Zakonom o finansiranju političkih stranaka i Izbornim zakonom Bosne i Hercegovine,*
- *da finansijske izvještaje podnosi u formi koja je odobrila Centralna izborna komisija BiH i na način propisan Pravilnikom o godišnjim finansijskim izvještajima političkih stranaka i Pravilnikom o predizbornim i postizbornim finansijskoim izvještajima političkih subjekata,i*
- *da dostavlja dodatnu dokumentaciju koju od nje zatraži Centralna izborna komisija BiH.*

### **KOMENTAR:**

U ostavljenom roku, Hrvatska narodna zajednica 1908 nije dostavila primjedbe na Preliminarni izvještaj o pregledu godišnjeg finansijskog izvještaja za 2012. godinu.

šef Odsjeka za revizijske poslove, revizor

Sanja Tošović

šef Službe za reviziju

mr. sc. Hasida Gušić

---

<sup>4</sup> Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

